

Arubiano presente na Conferencia Internacional di Descubrimiento di America

ORANJESTAD (AAN): Na ocasion di y en preparacion di e celebracion di 500 aña di descubrimiento di America door di Columbus, e Universidad di Alcala na Madrid lo organiza e siman aki un Congreso Internacional durante cuatro dia y tin tambe dos dia di discusion.

E tema principal lo ta "E paisnan chikito y nan perspectivanan di futuro" y esaki den e sentido di mas amplio. Manera ta conoci, America a ser descubri na 1492 door di Columbus (Cristobal Colon), un persona, cu e spañonan a cumenza considera como nan pertenencia y debi cu e viahenan di descubrimiento a cumenza den area di Caribe, a dicidi pa duna e area aki atencion special y invita cientificonan di henter mundo, pero principalmente di e area aki. Nan kier tira un bista atraz riba loke e 500 añanan ey a significa pa e relacion entre e paisnan.

Mester relatá cu ta un gran honor cu un persona como Robertico Croes a ser invita pa e congreso aki, unda e grandinan na e mundo aki riba tereno internacional lo topa otro.

No ta un secreto cu e nomber di e Arubiano joven aki, kende a studia derecho internacional na Colombia y Merca, cada vez ta ricibiendo atencion mas amplio internacionalmente. E tin diferente publicacion den hopi revista internacional poni na su nomber y ta ricibiendo keto bay un invitacion unda ta trata problema di e paisnan chikito.

Den e publicacion "Latin America and Caribbean Contemporary Record", cu ta un buki di mas di 700 pagina di e professor Mericano James Malloy di University of Pittsburgh y Eduardo Gammarra di Florida International University por a mira algo di Robertico Croes tambe. E tabata encarga cu e parti di Aruba y Antiyas Hulandes.

Robertico Croes lo keda 9 dia na Spaña, y tur cos ta paga pa organizadornan